





硃批諭旨

劉於義 王溯維 趙向奎 奏摺  
潘體豐 李玉鉉 孫文成





硃批劉於義奏摺

原未更此

與共革

雍正二年五月初九日山西學政臣劉於義謹

奏竊臣自本年正月考取遺才三月送文生入場三

月初一日即往考代州一棚抵代之日接閱邸鈔

欣聞捷音臣以小臣不敢繕疏恭至

賀大捷在臣受

恩尤厚踴躍倍深親見我

皇上宵衣旰食

實出望外為國家可慶之事也

睿慮周詳推誠布公人思效命宜乎半月之內成此大  
功從此威加絕域永靖邊陲慶及普天利垂萬世

硃批諭旨

劉於義

矣臣考畢代州四月初二日復回至省錄送武生  
 入場四月十六日即考試太原一棚於五月初一  
 日事竣臣所歷之處密加採訪如代州知州高遐  
 年才守頗優忻州知州劉毓岳老實謹慎其餘亦  
 有謹愿自守者亦有矯立名節者亦有內有欲而  
 無實跡可指者蓋山右自大吏以至州縣人人意  
 中以

皇主耳目甚近雖纖悉之事無不周知所以俱有顧忌  
 斯誠據實之奏可謂切而不浮  
 屬員中一有敗檢者不敢掩飾頗無壅蔽但積荒  
 和批之後百姓元氣未復州縣陋規裁革太盡養廉不

為此已有諭矣

足自給恐日後復至虧空或於詞訟內需索耳臣  
 歷試以來仰遵

聖訓於士品文風竭力整頓但山右積習重利之念甚  
 山右大商賈居首其者多入貿易途其次者寧為胥  
 伍最重名子弟秀者多入貿易途其次者寧為胥  
 士風頓革豈易言哉然山右之讀書應試以故士風卑靡  
 值歉收不輕棄業流亡類此長處非他省崇尚虛浮競  
 皇奢發所可得同日而語者再若較之閩廣盜竊成風  
 上諭一道破其積迷俾知士為四民之首顯親揚名忠  
 其重利輕生相去奚啻什伯士為四民之首顯親揚名忠  
 君愛國榮莫大焉庶人知所趨向而重利之念可以轉  
 學臣徐化導有益於山右之風俗人心者匪淺鮮矣目下



憲章勒令順從之事也夫好名之心等分好利若不講  
徹正省城米價大端而或使崇尚虛名反失導民務  
本之政一兩五錢三分太原府自三月初三日  
遜有三分五分收成不等太原府自三月初三日

得雨四月初二日又得雨初九日又得雨二十三

二十六及閏四月十八二十二二十八等日俱有

微雨今五月初六日晚得雨三寸許已霑足矣惟

平陽大同兩府雨澤尚少聞五月初一日平陽亦

已得雨秋成可望豐收嗣後容臣考試各郡漸次

密訪奏

聞謹

奏責懲人敢以言為惡外難謂又今獲罪之劉士子

前聞晉省數郡缺雨正在憂念今覽所奏朕懷深慰

雍正二年九月十七日山西學政臣劉於義謹

高奏為恭謝

天恩事本年九月十五日接到山西撫臣諾岷移知

皇上賞臣養廉又傳示音出清書

聖諭臣跪讀之下感極涕零伏念臣本樗材蒙

皇上內廷恩遇至優至渥今

簡授學政又蒙

皇上體恤周至訓誡詳明自古及今無此知遇伏查山

殊批諭旨

劉於義

右不比他省歷來絕無學租一切費用實難支持

正思入

告而

皇上不待臣請此緣諾岷奏請而然也朕從不藏人之善特頒異數是慈父之於愛子不過如此使臣銘心刻骨

未識何以仰答

高厚臣到任之初因山右向事姑息士風委靡凡遇士

子行止攸關及教唆詞訟諸事無不竭力釐飭而如此方是水弱人狎而玩之及發落等項一遵學政條例以有寬不嚴論也至於士子之悔悟乃必然者誠責懲人頗以臣為過於嚴厲及今數棚之後士子

可格

天

始知悔悟諸弊漸息人心帖然是臣惟知勸善懲

何況

惡力興學校使有起色以上副

皇上期待士子之至意何敢稍有瞻顧邀譽誤公至於

杜絕苞苴勿顧情面臣係

內廷特簡臣之名節即關

皇上之顏面豈敢稍有苟且上負

君恩

皇上耳目最近決不敢以虛詞支飾獨念臣何人斯蒙

聖恩眷注至此惟有益竭愚誠祈報

君父於萬一耳為此恭謝

硃批諭旨

四

劉於義



天恩謹

奏

朕從來待人毋必卽張廷璐可爲明驗也進退榮辱總在爾內外臣工有以自取勉爲之燈下率筆書諭

同日又

奏爲恭謝

天恩事竊臣接閱會試全錄見臣子劉復得中第四十

二名進士臣受

恩深重涓埃未報今臣子又蒙

皇上補行會試盛典得中進士是臣父子世受

懋善

國恩疊邀榮遇除臣勉竭駑駘外惟有誠諭臣子劉

復力圖報稱以仰答

聖主鴻恩於萬一耳謹此繕摺叩謝

天恩謹

奏

會榜雖發尚未殿試不知劉復卽係爾子覽奏朕亦甚

喜

所奏地方事宜一摺甚好留中細覽

雍正三年五月初九日山西學政臣劉於義謹

奏竊臣自開印後考試遼州歷試沁州澤州潞安至

四月十八日竣事歲考已經一週所歷之府州縣  
澤州最爲殷庶其遼州沁州潞安雖多山僻之地  
百姓無不安堵惟潞安府屬之黎城縣地瘠民貧  
較他處多荒兩年百姓甚苦其所過之府州縣官  
沁州知州沈一葵頗得民心聲名甚好澤州知州  
劉毓岳爲人老實操守廉潔其餘亦無劣跡昭著  
之員惟聞襄陵縣知縣吳世雍以欲另立花戶徵  
此案朕已聞之非有大情故乃平常事耳業經飭諭該  
糧有百姓聚衆鬪鬧一事撫臣已將爲首二人拏  
撫矣  
獲矣臣在潞安四月十七日得雨至太原途中四  
月二十四三四連日得雨五月初四日又得雨聞大

同平汾等府蒲解忻代等州雨俱霑足惟平陽得  
雨稍遲二麥減收耳米價大米每倉石一兩九錢  
小米八錢麥每倉石一兩二錢六分黑豆每倉石  
五錢五分臣現在太原造歲考報部册俟造完後  
卽行科考各郡謹

奏

雨水米價情形知道了

雍正三年十二月十三日山西學政臣劉於義謹  
奏竊臣自十一月十二日考完平陽卽科考蒲州蒲  
州向無考棚因新政直隸州蒙

硃批諭旨

六

劉於義



皇上加恩廣額生童踴躍建立考棚臣循例赴蒲考試  
蒲治與陝西接壤一路所過州縣俱年歲豐稔百  
姓安樂惟蒲州屬之南鄉臨晉縣之北坡民風向  
覺稍悍耳臣目今考完蒲州卽回太原矣平陽米  
價小米每倉石銀一兩蒲州米價小米每倉石銀  
六錢謹

奏

覽

爾條奏建倉積貯一摺留中候另有諭旨能將地方精  
形如此據實直陳朕深爲嘉悅

雍正四年五月初九日山西學政臣劉於義謹  
奏竊臣自開印後卽往平定州科考平定州亦向無  
間建考棚蒙

皇上恩詔廣額生童鼓勵建立考棚臣循例往考訖隨  
考沁州澤州潞安今已回省定於本月十一日科  
考太原府一棚約一月內可以考完臣科試之事  
卽畢至所到之處雨水霑足聞平汾大同等郡亦  
俱有雨二麥旣可全收秋田亦已布種山右今歲  
又可望豐年矣太原府小米每倉石價銀一兩零  
一分小麥每倉石價銀一兩三錢二分黑豆每倉

石價銀八錢謹

奏

據奏晉省二麥全收固屬可慶而直隸今歲麥秋復遇罕覲之豐稔朕懷欣慰何似

雍正七年閏七月二十六日總督倉場戶部右侍

郎臣劉於義山西按察使臣葛森謹

奏爲奏

聞事竊臣等蒙

皇上差至陝西清查西寧軍需臣等至蘭州後細查西寧所屬承辦康熙五十五等年軍需官員竝無現

任者一切西寧軍需案卷冊籍多在蘭州布政司衙門必就近始可清查又原任巡撫噶世圖原任布政使折爾金等俱監禁在蘭卽現提各旗各省承辦軍需質訊人員亦令俱至蘭州若令再往西寧亦似跋涉因再四酌量已定於蘭州清查臣等提閱布政司康熙五十五等年承辦軍需各官造送冊籍頭緒繁多賬目含混伏思歷年以來因何項請撥動用銀兩必有

題奏案卷給發各員承辦事件必有原行稿片撥運採買米豆草束以及口袋鞍屐等項每次官兵若



千馬匹若干應備糧草若干必有兵部原行部文其運送米豆草束曾否收受必有各該處倉收照票務須一一理清頭緒然後核其有無浮冒或別有情弊之處始可徹底清楚臣等現在咨提各衙門文卷細查其各旗各省提訊人員俱尚未到蘭應俟到日查訊後再行奏

聞目下甘肅撫臣許容以協辦軍需尚在肅州布政使孔毓璞亦以軍需調赴涼州俱未回蘭合并奏

聞謹

奏

所見是應徐徐次第料理但務款項清楚不必以遲延為慮且現任各員目今俱承辦軍需毋因稽查前案致令貽誤當下事機也

雍正七年十月初一日總督倉場戶部右侍郎

劉於義山西按察使臣葛森謹

奏竊臣等家人恭齋

奏摺回蘭跪讀

硃批仰見

皇上體恤臣工

訓誨周摯權衡緩急時措咸宜臣等到蘭之日正值撫

硃批諭旨

九

劉於義

臣許容在肅布政使孔毓璞在涼料理軍需臣等  
惟恐其分心舊案顧此遺彼止令布政司留蘭經  
手書辦提取檔案理清頭緒其有應行移查事件  
直待撫臣等料理大兵出口回蘭之後方始行文  
移查至西寧軍需臣等蒙

皇上命至陝西清查務必據實秉公徹底清楚今數月  
以來凡出入收放錢糧運送採買米麥豆草各官  
承辦事件以及浮開捏飾情弊俱已逐一查清在  
陝調到人員亦陸續查訊造冊但署甘肅撫臣張  
廷棟

題請檄調各旗各省併原在陝省人員張廷棟止據  
布政司開報不知歷年承辦各官原有本人調赴  
軍前署事官代辦之處臣等行查各承辦官原任  
地方令各府州縣詳查造冊今據申送前來臣等  
細加查核有誤行檄調者亦有遺漏未調者其誤  
調之人臣等已行文各該處令其不必赴蘭外至  
已經檄調及遺漏未調之內細查檔案其應追應  
減之項實有卷冊炳據經承供吐確鑿可以不用  
行提查訊之人甚多臣等將必須親信子弟或經  
手家人到蘭質訊如原任蘭州同知雲南撫臣沈



延正等已經咨明戶部外其餘現在清查如有應行提訊人員再咨戶部檄調仰懇

皇上敕部行文將沈延正等子弟或家人速催赴蘭查訊造冊則案件得以完結而錢糧可徹底清楚矣爲此謹

奏

類斯咨提瑣屑之務係汝等職分內事朕不便敕部行文此奏請可謂妄瀆失體之至

雍正八年四月初八日總督倉場戶部右侍郎臣

劉於義謹

奏竊臣蒙

皇上命同葛森清查西寧一路軍需到蘭州後卽提布政司歷年檔案查明收支總數又行文各地方官逐案查清承辦人員凡收支運送採買承辦等項得以清楚至折收米麥豆草情弊凡西寧涼州莊浪等處無不一一呈露承辦官亦自認不諱原任蘭州廳今陞雲南撫臣沈延正之子沈謨亦於本年二月到蘭其折收之處亦盡行首出又各承辦官應追下剩銀兩每託言別案報銷臣等行查布政司將別案應銷與否據實申覆此內查出虛捏

銀兩甚多又下剩米麥豆石布政司以軍需尚未歸結既皆不入年終奏銷軍需案內又止以存貯在倉或尚係民欠希圖掩飾臣等每審一案即將下剩米麥豆石令布政司清查果否在倉或係民欠或係官虧俱令逐案申覆務得實情今各案俱已審結又西鳳運送米豆折給情弊亦已審明現在繕造清冊彙總核銷五月中可以完結臣俟逐案

題結後即起程回京至蘭州甘雨應期肅州糧草俱已出口葛森現在西寧辦理噶斯軍需謹

皇奏  
覽奏已悉所辦理處公當與否明晰妥協與否必俟題結後方顯然可見也

雍正八年十一月十八日吏部左侍郎協辦山東巡撫印務臣劉於義刑部左侍郎臣牧可登謹奏為奏

聞事竊臣等奉

命差往山東查賑前已將撫臣岳濬給散過各屬修理

房屋銀兩并臣等查核過濟南省府及武定濱州

高唐三州散賑事宜



奏明在案臣等初到東省念賑務重大卽咨商河東督臣田文鏡據田文鏡覆札東省民刁俗悍頑紳劣衿生事不法之輩不以求賑爲恥而以與賑爲榮往往暗藏糧食分寄戚里以應賑爲名聳動愚民挾制官長希冀妄賑稍不如意卽羣起鬩鬧地方官柔懦無能者一任鄉地胥役串通捏造舞弊分肥甚有姦貪不肖之員乘機侵蝕捏賑冒銷等語臣等已嚴飭五路監賑司道確實清釐務期不濫不遺以仰副

皇上欲使貧民均霑實惠之至意臣等巡歷濟青東兗

四府屬各州縣內有已經賑完者有散給過半者總飭於十一月賑濟通完以免寒天守候至臣等所過地方亦有求賑百姓紛紛具呈隨卽委員察看多係原可自給希圖邀賑誠有如督臣所云以與賑爲榮者臣等概不准給其中有稱先經外出聞賑復歸之貧民現飭各司道查實補給庶妄希邀賑者不致冒濫而回籍貧民亦不致遺漏矣所

有臣等賑過各地方皆霑

皇上浩蕩鴻恩粒食安居竝無饑寒凍餒之色除賑過

戶口穀石實數俟查賑完日另具奏

聞外先將臣等親歷目擊情形繕摺具

奏伏祈

睿鑒謹

奏

據云督臣田文鏡謂東省民俗不以求賑爲恥而以與賑爲榮此等議論但當體察虛實秉公持中辦理爲是若聲言於衆使怨歸田文鏡則屬小人之用心也斷斷不可

雍正八年十一月二十一日吏部左侍郎協辦山東巡撫印務臣劉於義刑部左侍郎臣王國棟謹

聖奏爲奏請

聖鑒事竊查東省今歲荷蒙

聖恩軫念乏食窮民准給三箇月口糧動穀賑濟州縣倉穀向當收貯之時每慮有折耗竝鼠食等項往往稍有盈餘今除散賑外其盈餘剩穀雖多寡不齊難以預定亦未便任聽州縣隱匿致有侵蝕入己之弊伏思我

皇上愛養民生每年冬春之際

敕令五城設立粥廠煮粥賑濟京城乏食貧民均霑實惠今東省被水州縣各鄉村實在生計蕭條無業

殊批諭旨

十四

劉於義



貧民業經造冊散賑儘堪度歲但尚有城市貧民  
原非被水不在應賑之內及聞賑外歸者除已飭  
補給外目今尚有陸續歸里之戶均屬可憫臣等  
竊擬通飭各州縣如有散賑盈餘剩穀令其據實  
詳報做照五城之例盡數多寡卽於本處酌量設  
立粥廠煮粥以濟貧民似益足以推廣  
皇仁而亦可杜州縣隱匿之弊緣事關地方賑務臣等  
聖恩未敢擅便理合恭摺  
聖奏請是否可行伏候  
聖訓批示謹

奏  
此亦助賑之一道與岳濬妥議施行  
同日又

奏為請設利津海口墩臺以重海疆以衛鹽灘事竊

利津照濱州屬之利津一邑係海疆重地為山左產鹽  
之所邑之東北為清河河之西為豐國鎮至牡獮  
口與霑化縣接壤河之東為永阜場至絲網口與  
樂安博興兩縣接壤自海口至利津縣城一百一  
二十里不等海口之上均屬鹽灘人以曬鹽為業  
因難地遠在海濱四五十里絕無人煙每有不法

之徒於交界地方成羣竊販毫無忌憚雖豐國鎮設有巡檢一員永阜場設有大使一員專司查察而相隔鹽灘俱有三四五十里之遙未免鞭長莫及且今蒙

皇上天恩軫念東民乏食

特允撫臣岳濬及臣等摺奏將奉天撥運米石由利津之牡犢口進大清河分撥平糶將來防護尤宜嚴密先經光祿寺卿王潯

奏准奉天糧食准令商人由海販運至東亦必從此海口進舟又爲商販之要道臣等不揣愚昧似應添

設墩臺撥兵防守方爲有益請於離口二十里之

呂連臺子關總要地方修建墩臺一座營房十間撥兵

六十名令其攜眷防守瞭望海船之出入稽查私販

之往來又於西接濱州霑化之雙井地方添設墩

臺一座營房六間撥兵六名亦令其攜眷住宿以

衛鹽灘以杜姦販所需修建之費卽於司庫公費

銀內照河標例動支再查利津止設把總一員馬

兵十名步兵三十名不便抽撥應令鎮臣於簡僻

州縣酌量改調卽令利津把總管束以專責成臣

等因海疆重地起見故敢謬陳一得是否有當懇



皇上訓示施行謹

奏  
利津海口設臺撥兵之處與田文鏡岳濬再行商酌若  
意見僉同具題請旨

雍正九年正月初六日直隸河道水利總督臣劉

於義謹

奏為請

旨事竊臣蒙  
皇上天恩補授河道水利總督除繕摺謝

恩外查河道水利關係重大須乘春初水涸之時遍行  
巡查遇有堤岸坍塌缺卑薄之處早行修築防護水  
發時方可無虞但臣奉

旨同牧可登會同撫臣岳濬審理金允彝一案因賑務  
告竣卽值封印尚未會審須俟開印後審結臣應  
否星速回京恭請

聖訓前往河工料理或仍同牧可登俟審結金允彝案  
後回京之處相應請

旨謹

奏

殊批諭旨

七

劉於義

不但會審之案將所交東省一應事件俱辦理完畢然後再赴新任

淮北山東交界處所連歲微覺薄收夏秋被水今冬已賴

皇恩賑給度活開春青黃未接之時不無乏食窮黎更覺艱難尚須設法安頓乃聞被災隣近接壤地方有麥秋兩季合縣統算僅能三四分年景其中亦有高下苦樂之不同竟作七八分收成匿報者又兼各官迎合上司駁詰刪減饑民戶口太甚間有密論文武屬員凡遇外來就食之

人槩行驅逐而被災本處誠恐敗露前情更將漏報饑民攔截不許他往雖據紛紛傳說未必盡實且救荒之道自古原無善策但立法未妥命陞以致無處投奔或至激生事端不可不爲之慮緣關地方近日情形臣不敢畏嫌隱諱冒昧直陳伏候

聖明鑒照開辦北山東賑設勸賑此也臣等奉朕委任何緣有如是浮議其據實覆奏以聞

皇上雍正九年正月二十一日直隸河道水利總督臣奏劉於義刑部左侍郎臣牧可登謹



奏爲據實覆奏事竊臣等奉到

皇上發下鈔摺一扣

硃批汝等奉朕委任何緣有如是浮議其據實覆奏以聞欽此查摺開淮北山東鄰近接壤地方有麥秋兩季合縣統算僅能三四分竟作七八分收成匿報等語臣等奉

命到東麥秋兩季俱已收穫未及目擊情形訪得山東上年二麥實係豐收其秋成被水各州縣分數督臣撫臣詳細分別踏勘現在具報餘數未及題外又摺開各官迎合上司駁詰刪減饑民戶口太

甚間有密論文武屬員凡遇外來就食之人概行驅逐被災本處誠恐敗露前情更將漏報饑民攔截不許他往等語臣等分委司道官五路監賑原飭令將各州縣所造應賑戶口清冊詳加核實如有冒濫卽行刪去如有遺漏卽行補給後各州縣散賑之冊實有比原冊刪減之處蓋緣被水之初所報貧民戶口止憑鄉保造送多有不實今各州縣挨戶核實內有本係衙役佃戶而冒開者有經營生理可以度日者有報名後他出以小口混作大口者如此等弊俱確核釐清另造實在應賑戶

口冊籍給散此係刪除冒濫並非核減貧民亦係各州縣自行剔除並非奉上司駁詰至查造報冊內有將貧民遺漏如沂水泗水等縣臣等令各司道俱查明補給此又於原冊造報之外增添並非概行刪減也至於驅逐攔截饑民之說臣等周歷各屬到處體訪民情並無攔截饑民不許出外之事謹遵

諭旨據實覆

奏伏祈

皇上聖鑒謹

臣奏公議一會賄謀案內外審員各問罪狀共查督臣果係浮論不確乃朕所願豈樂聞無稽之言耶

諭劉於義牧可登知悉臬司唐綬祖乃係不避嫌怨實心任事之賢員金允彝挾恨布散流言誣其開款捏陷妄希明已之冤因此不便仍令本省審鞠特命汝等查究以杜小人悠悠之口切不可誤被浮詞所惑而心有適莫倘推訊少不妥確勢必仍交田文鏡復加詳審也秉公慎爲之母得疎忽從事自貽將來之悔密之

聖諭雍正九年三月十六日直隸河道水利總督臣劉

於義刑部左侍郎臣牧可登謹

硃批諭旨

干

劉於義



奏爲敬陳審案供情仰祈

聖訓事竊臣等欽奉

諭旨會審濟南府叅革知府金允彝貪劣一案臣等提

卷確查此案自雍正七年十一月內督臣田文鏡

題叅發審經歷城縣知縣郭芝會同長山縣知縣陸

費熙濟南府知府楊在魁會同青州府知府廣壽

屢次研訊內有婪贓等款供證未確金允彝嚴夾

不承以致拖延一年有餘款證馬三王公明周之

瀚三命相繼累斃而不能成信讞臣等奉

旨秉公逐一會訊將案內犯證俱各問取確供查督臣

原叅八款已經審實六款其婪贓二款審無確據

皇上難以符合原叅但金允彝以一二憂知縣蒙

皇上特恩超擢知府不思公正自持力圖報效而乃抑

奏勒交代科派屬員妄斷案件濫差胥役以及失察

官役家人犯贓種種劣蹟罪無可逭容臣等另疏

備錄各供按律定擬具

題外至於傳聞按察使唐綏祖挾嫌開款情由先據

奏唐綏祖詳稱竝無其事復准督臣田文鏡咨開各

款俱係訪審

題叅竝非由唐綏祖開送等語似可無庸置議合併

陳明伏祈

皇上睿鑒謹

奏

覽奏知道了具題到日有旨

雍正九年八月十六日直隸河道水利總督臣劉

於義謹

奏為壩工幸未告成懇

恩再行酌議以慎大工事竊臣蒙

皇上命看各河水發情形臣截留直隸漕糧即從通州

由水路前往天津時新雨之後北運河已不患淺

澁臣至青龍灣細加閱視壩面比水面尚高八尺

詢通永道德希壽回稱革職侍郎何國宗原料估

壩面止寬二十丈蒙

諭旨命壩面展寬四十丈嗣何國宗又奏准壩面內建

雞心十四座空十五金門下板啓閉現在遵行建

造在案臣又行至筐兒港減水壩地方細加測量

壩面比水面止高四尺五寸檢閱原卷壩身原高

一丈三尺壩面原寬二十丈因不能洩水雍正六

年怡賢親王奏准壩身落低五尺止高八尺壩面

又展寬四十丈共成六十丈北運河之水宣洩始

殊批諭旨

三

劉於義



暢所以雍正七年之水甚大筐兒港以下之堤岸俱得保全此筐兒港壩面寬濶之明驗也今何國宗等將筐兒港壩面上加灰埦三尺五寸臣嫌其太高但灰埦易於改造應俟臣到任後再加相度具奏至青龍灣壩工

皇上不惜帑金五十餘萬兩

親授方畧建減水壩以洩全河之水使河西務險工可保平穩爲運道民生千萬年永遠莫安之計查筐兒港舊壩寬二十丈不能洩水直至展寬六十丈洩水始暢青龍灣二十丈壩面不能洩水明矣

皇上斟酌盡善較筐兒港則少減較原估則展寬故有壩面寬四十丈之

諭旨自宜敬謹遵行今又議壩面內建雞心一十四座奏每座面寬七尺共寬九丈八尺則壩面名爲四十皇上丈內爲雞心占去九丈八尺實止存三十丈二尺奏即使洩水不能宣暢夫費

皇上五十餘萬兩之帑金而必多建雞心阻抑水勢使不能暢洩以保險工實爲臣所不解幸今壩面海漫石未鋪雞心未建乘此中止恪遵

皇上諭旨壩面寬四十丈使洩水宣暢費省功倍河西

皇上務等工程可望平穩於運道民生實有裨益矣徐  
湛恩由京赴津亦於青龍灣細心相度與臣意見  
相同臣等目擊情形恐將來再煩改造不揣冒昧  
瀆

奏伏祈

皇上睿鑒敕部議覆施行謹

奏

工部議奏

雍正九年十月二十二日刑部尚書署理直隸總  
督事務劉於義謹

奏為恭請

聖訓事竊

皇上天恩命署理直隸總督事務本應進京恭請  
聖訓緣本年九月十七日

奏請每年

萬壽元旦容臣進京瞻仰

天顏時聆

訓旨蒙

皇上面諭爾今歲不克親到

殊批諭旨

臣

劉於義



諭旨不敢進京但臣才具疎庸直隸地方事務殷繁旗  
民雜處深恐不克勝任仰懇

皇上硃批訓示俾臣知所遵循以便敬謹辦理則感荷  
皇上生成之德於無暨矣謹

奏

爾非新進外吏可比朕之意向諒應知之有素豈待臨  
時請訓而始有所遵循耶

雍正九年十二月十五日刑部尚書署理直隸總

督事務臣劉於義謹

奏為奏請

聞事本月十二日據宣化府宣化縣申稱雍正九年十  
二月初六日從巴爾庫爾軍營回京差使有兵部  
勘合一道填給內大臣兼步軍統領阿親丁跟役  
馬包馬引馬共計一十八匹又兵部勘合一道填  
給侍讀學士查跟役馬包馬引馬共計十匹又兵  
部勘合一道填給筆帖式準跟役馬包馬引馬共  
計五匹又兵部勘合一道填給領催班濟跟役馬  
包馬共計三匹以上共該應付馬三十六匹俱已  
照數應付詎料跟役於勘合之外硬向驛夫多索  
馬一十六匹正擬詳報間本月初七日又據馬夫

張玘等報稱前項馬匹行至七里臺壓壞黑驃馬一匹行至泥河十三里又因包重壓死驪騮馬一匹等語據此合將前項跟隨人役騷擾驛遞情由據實申報等情申詳到臣除現飭按察使口北道查明果否勒索及有無濫應情弊俟查明到日題叅外理合先行奏

聞謹

奏

此奏可嘉之至肯如是居心毫無顧避何任不克勝何事不能辦也勉之但不可偶爾舉斯一二事以取信於

朕而於他處仍復瞻徇隱蔽則更爲巧僞之行矣

雍正十年三月初六日刑部尚書署理直隸總督事務臣劉於義謹

奏爲恭報雨雪事據順天府屬之良鄉涿州霸州固安東安懷柔密雲通州順義昌平延慶等州縣衛報稱雍正十年二月十一日得雪一寸至五寸不等保定府屬之定興涿水易州等州縣報稱雍正十年二月十一日得雪一寸至三寸不等河間府屬之景州阜城東光吳橋寧晉等州縣報稱雍正十年二月初五初六等日得雪二寸至八寸不等



冀州及所屬之武邑南宮棗強衡水新河等縣報稱雍正十年二月初五初六等日得雪二寸至五寸不等趙州及所屬之寧津隆平等縣報稱雍正十年二月初五初六等日得雪一寸至二寸不等深州報稱雍正十年二月初五日至初六日得雪三寸廣平府屬之清河縣報稱雍正十年二月初六日得雪一寸又據順德府屬之唐山縣報稱雍正十年二月初五日得雨一寸大名府屬之開州南樂等州縣報稱雍正十年二月初二初三等日各得雨一寸理合奏

聞謹

奏

覽奏畿內雨雪殊欠霑足亟當竭誠修省虔恭祈禱可也

刑部尚書署理直隸總督事務臣劉於義謹

奏為懇

恩分年帶徵以清積欠事竊臣自到任以來詳查直隸各州縣舊欠錢糧自康熙六十年至雍正八年內有歷年清完並無掛欠者共七十九州縣有掛欠數十兩以上至三千兩以內者共二十八州縣有

殊批諭旨

三

劉於義

掛欠三千兩以上至一萬兩以內者共二十一州  
縣有掛欠一萬兩以上至四萬兩以外者共一十  
三州縣臣伏思

皇上深仁厚澤於直隸百姓蠲免錢糧賑濟倉穀緩徵  
平糶較之他省尤爲優渥夫有加無已者

聖主撫恤之恩而踴躍完糧者百姓急公之義乃有愚  
頑之民拖欠舊糧不卽完納臣愚見除舊欠三  
千兩以內之州縣應令地方官設法催徵務於一  
年以內完納外其舊欠三千兩以上至一萬兩以  
下之南皮天津等二十一州縣仰懇

皇上可否分作三年帶徵其舊欠一萬兩以上至四萬  
餘兩之寶坻武清等一十三州縣仰懇

皇上可否分作五年帶徵務令地方官遵照年分催追  
完結倘分年之後地方官尚不實力催徵仍聽百  
姓拖欠者請照情徵例嚴叅議處如此則各州縣  
易於催追而歷年舊欠錢糧亦可徹底清楚矣臣  
管窺之見未敢具本伏乞

皇上睿鑒訓示施行謹

奏

該部議奏

硃批諭旨

天

劉於義



同日又

奏爲請

旨事竊照直屬正雜大小官員皆蒙

皇上天恩賞給養廉在案今接准直隸新設河臣移咨

酌議又新設營田觀察使二員經臣

奏明議給養廉俱經檄行查議去後今據布政司議

詳直隸新設河臣應援照河南總河養廉之例正

總河請給銀六千兩副總河請給銀三千兩又據

議稱直隸新設營田觀察使二員巡歷各屬督率

營田往來奔馳不無車馬飯食等項之需每歲請

酌給養廉銀三千兩等因各議詳到臣伏查河道

總督并營田觀察使有巡歷河工查勘營田之責

一切車馬薪水之費在所必需今應否均照該司

議請之數以各該員到任之日爲始在於司庫存

公銀內撥給之處臣未敢擅便理合恭摺請

旨遵行謹

奏

據奏養廉之數稍過矣直隸河南兩省河道各有不同  
何必援照比例其另議具奏以聞

雍正十年三月十八日刑部尚書署理直隸總督

殊批諭旨

完

劉於義

事務臣劉於義謹

奏爲恭報雨雪事竊照直隸從前各屬報到雨雪經  
臣繕摺奏

聞外今又據順天府屬之宛平大興霸州保定文安大  
城固安永清東安涿州良鄉房山通州三河寶坻  
香河薊州順義昌平懷柔密雲延慶等州縣衛報  
稱三月初三初五初七初九十一十二等日得雨  
雪一二三寸不等永平府屬之盧龍灤州遷安撫  
寧昌黎等州縣報稱三月初八初九等日得雨雪  
三四五寸不等保定府屬之清苑滿城安肅定興

唐縣蠡縣高陽博野慶都容城完縣雄縣祁州深  
澤束鹿安州新安易州涑水等州縣報稱三月初  
三初五初七初九十一等日得雨雪一寸至四寸  
不等河間府屬之河間獻縣任邱肅寧東光寧津  
交河等縣報稱三月初三十一十二等日得雨雪  
一二寸不等天津府屬之天津青縣靜海等縣報  
稱三月初三初七初九等日得雨一寸正定府屬  
之正定獲鹿阜平欒城行唐靈壽元氏贊皇平山  
井陘等縣報稱三月初三初五初七初九初十十  
一等日得雨雪一寸至六寸不等冀州及所屬之



新河武邑報稱三月初五十一等日得雨雪二三寸不等趙州及所屬之柏鄉隆平高邑臨城寧晉等縣報稱三月初五初十十一等日得雨雪一寸至四寸不等深州及所屬之饒陽安平武強報稱三月初三初五十一十六等日得雨雪一二寸不等晉州及所屬之無極藁城等縣報稱三月初五十一等日得雨雪一寸至四寸不等定州及所屬之曲陽新樂等縣報稱三月初三初五十一等日得雨雪一二寸不等順德府屬之沙河平鄉唐山內邱等縣報稱三月初十日得雪一寸至三寸不

等廣平府屬之磁州永年肥鄉曲周等州縣報稱三月初末十一等日得雪三寸至八寸不等大名府屬之大名魏縣元城等縣報稱三月初十日得雪五六寸不等宣化府屬之宣化懷安蔚州蔚縣赤城等州縣報稱三月初九日得雪三寸

皇  
至五寸不等理合奏

聞謹

奏  
以手加額覽焉

奏同日又

殊批諭旨

呈

劉於義

奏爲遵

旨議奏事竊臣前奏議請新設河道總督竝營田觀察  
奏使等養廉一摺奉有

硃批臣跪讀之下仰見

皇上因地制宜化裁曲當隨傳同布政司細加酌議總  
河循歷河干舟車往返可否循照直隸學院之例  
每年請給養廉銀四千兩副總河請給養廉銀二  
千兩營田觀察使雖有督率營田往來經理之責  
但地方未爲遼濶每年請各給養廉銀一千六百  
兩以各該員到任之日爲始在於司庫存公銀內

撥給是否允協伏乞

皇上睿鑒批示遵行謹

奏

所議好照此給與可也

雍正十年四月二十八日刑部尚書署理直隸總

督事務臣劉於義謹

奏爲恭報雨澤事竊臣據順天府屬之霸州寧河等  
二十三州縣衛報稱三月二十二二十八及四月初  
五初六十六二十二等日得雨一寸至三寸不等  
永平府屬之豐潤灤州等九州縣衛報稱三月初

硃批諭旨

三

劉於義



九二十等日得雨一寸至五寸不等保定府屬之清苑安州等二十州縣報稱三月二十二二十八及四月初五初六二十二等日得雨一寸至四寸不等河間府屬之河間景州等十州縣報稱三月十二二十及四月初四初六二十二等日得雨一寸至四寸不等天津府屬之天津滄州等六州縣報稱三月二十二二十八及四月初六十六等日得雨一寸至三寸不等正定府屬之正定灤城等十縣報稱三月二十二二十八及四月初五初六等日得雨一寸至五寸不等順德府屬之邢臺平鄉等九

縣報稱三月二十二二十八及四月初四初五等日得雨二寸至五寸不等廣平府屬之永年磁州等十州縣報稱三月二十二二十八及四月初四初五等日得雨一寸至五寸不等大名府屬之魏縣元城等六縣報稱三月二十二二十八及四月初七初八等日得雨一寸至二寸不等宣化府屬之宣化蔚州等十一州縣報稱三月二十八及四月初五初六等日得雨一寸至五寸不等冀州及所屬之衡水等五縣報稱三月二十八及四月初四等日得雨一寸至三寸不等趙州及所屬之寧晉

等五縣報稱三月二十三二十八及四月初五初六  
等日得雨一寸至五寸不等深州及所屬之安平  
等三縣報稱三月二十及四月初四等日得雨三  
寸至三寸不等晉州及所屬之藁城無極等縣報  
稱三月二十二二十八等日得雨一寸至四寸不等  
定州及所屬之新樂曲陽等縣報稱三月二十二  
十八及四月初五初六等日得雨一寸至四寸不  
等理合奏

聞謹  
奏

覽所奏雨澤分數甚屬含糊朕訪聞直屬雨雖周遍多  
未霑足頗有旱乾州縣民間望雨甚殷目下卽有乏食  
者亟當設法接濟加意撫恤似此奏報不實且又不明  
殊爲辜負委任之恩朕甚憂之

同日又

奏爲奏明耗羨銀兩事竊查直隸歷年耗羨銀兩已  
未完解及動存各數向於四月內恭繕黃冊具  
奏今雍正九年分收放過雍正三四五六七八等年  
并九年耗羨銀兩行據布政司查明開摺呈送前  
來臣覆加確核除已完者飭令加謹存貯未完者

硃批諭旨

三

劉於義





萬善荒歉儘足敷用惟順天五府除宛平大興通  
州蒙河折二三倉谷日今各該州縣五平糧另  
皇上恩將粳稷粟米一百萬石平價糶賣可以不用籌  
畫外其餘二十三州縣衛止存貯穀七萬四千六  
百餘石爲數甚少恐不敷用幸有上年截留北倉  
米四十萬石除目今撥給各州縣平糶米二十萬  
石外其存剩之二十萬石順天府屬近水州縣甚  
多卽離水次稍遠者亦俱在二二百里之內若有  
需用計日卽可運到則此項截留存剩之米存貯  
北倉以備順天五府二十三州縣衛之用儘足支

應再查宣化府屬存米八千二百餘石穀九萬二  
千六百餘石近以不敷兵米等項借支及現在平  
糶動用米及穀折米共三萬七千四百餘石所存  
米穀爲數甚少又係軍需往來之地應請撥運今  
臣另摺奏

聞至於日今各屬百姓竝無嗷嗷待哺之狀接濟撫恤  
尚屬可緩臣現在委試用官十二員分查各府州  
縣平糶卽密飭其體察百姓光景倘將來雨澤不  
繼二麥歉收果有乏食之虞或散米或賑粥或借  
給倉穀臣一面奏



聞一面辦理決不敢膜視百姓自蹈欺隱之罪以上負  
聖恩謹一奏  
奏為懇請撥運米石以儲支應事竊宣化一府地處  
邊陲日今又係軍站往來孔道所有積貯自宜充  
裕至古北口及密雲順義等倉支放兵米近又添  
設兵丁需米較多亦應儲備臣查宣化府屬十一  
州縣原貯米八千五百餘石穀九萬二千六百餘

石近因萬全等縣不敷兵米及過往員役口糧借  
用又現在赤城宣化萬全懷來懷安龍門六縣平  
糶共動用米及穀折米三萬七千四百餘石所存  
米穀為數甚少就近既無可以撥運之州縣而宣  
化一屬米價又俱不能平賤可以收買惟有運米  
一策可濟急需今擬張家口應撥運米二萬石宣  
化縣撥運米一萬石獨石口撥運米三千石懷來  
懷安鎮縣各撥運米一千五百石萬全縣撥運米  
三千石赤城縣撥運米一千石以上宣化府共該  
撥運米四萬石至古北口倉雖尚存米七千五百

餘石穀三千四百餘石但現在支放兵米近又添設兵丁應撥運米五萬石密雲縣雖現貯穀二千八百餘石積貯甚少應撥運米五千石順義縣雖尚貯穀八千二百餘石積貯亦少應再撥運米三千石以上古北密雲順義三處共該撥運米一萬八千石連宣化府共應撥運米五萬八千石查此項米石若能仰邀天恩於清河及京通各倉撥給近年鮮好粟米容直遴選能員攜帶脚價就近運送固為至便若於直隸存貯米石內撥運惟有北倉存剩雍正二年海運

粟米從津至通水路便易亦可撥運如蒙俞允臣即可委員備辦脚價分頭運送庶宣府古北等處預備有資於軍需亦有裨益矣伏乞

皇上敕部議覆施行謹

奏

該部議奏

雍正十年五月二十日刑部尚書署理直隸總督事務臣劉於義謹

奏為奏

聞事竊查直隸去冬少雪今歲雖時有雨澤均未霑足



目今二麥不能豐收

皇上焦心勞思日不甘味夜不安寢臣卽時刻稽查體訪深愧不能仰承

聖心萬一豈敢稍有欺隱疎忽然臣終懇皇上暫行緩賑者

皇上愛惜百姓時時已溺已饑在臣身任地方不得不躊躇緩急直隸蒙

皇上恩准平糶各州縣米麥價值與春天大約相等竝未昂貴民心頗安又二麥雖歉收其六七分者固可支持數月卽二三分者亦尚可支持月餘再百

姓因歷年以來稍有水旱之災

皇上卽多方賑恤原有希冀恩澤之想目今若卽散賑百姓豈不歡然但有雨無雨將來尚未可定萬一秋收再一歉薄需用正多又二麥歉收之處一兩月後必難自給彼時正須接濟若目下先已散賑將來急需之時反至不足敷用蓋百姓果有流離困苦之狀不可刻遲若百姓不至無可奈何之時亦不得不緩臣仰見

皇上如此焦勞誠恐果有乏食窮民地方官隱飾不報臣於前月中卽遣試用官十二員分查各府州縣

每日俱有報單到臣所報之中止有河間一路數日內有窮民六七起係武邑獻縣阜城交河等處人民攜挈妻子自南而北據云前赴任邱雄縣等處拾麥蓋緣任邱雄縣環繞淀池之處今歲二麥豐收田有遺穗可以採拾北方風氣如此臣已密諭該二縣留心撫恤矣又大名府屬之長垣縣五月初六初七兩日村莊有被冰雹者臣已飛飭該府親詣查勘一面賑恤俟查明之後再行奏聞又直隸今歲上半年錢糧百姓踴躍急公已完有四五分之數臣密飭各州縣且暫行緩徵但查直隸

本年兵餉及協濟西餉并古宣三提鎮新添兵餉起運銀兩所餘無幾若一得雨仍欲開徵總之臣體訪民情果有嗷嗷乏食之虞卽當一面奏聞一面辦理決不敢膠執己見自蹈膜視百姓之罪至北倉截留之米已平糶過二十萬石其存剩之二十萬石臣欲留備順天一府穀少州縣之用今查順天府屬之大城文安霸州新安等州縣俱係窪漥下之地二麥豐收而其餘各府州屬之缺雨州縣皇恩尚需平糶仰懇

皇上容臣於北倉存剩二十萬石米內再糶數萬石以



皇上濟民食則萬姓更沐  
皇恩矣謹

奏  
覽奏已悉有旨諭大學士矣

雍正十年閏五月初六日刑部尚書署理直隸總

督事務臣劉於義謹

奏爲報明事雍正十年五月初九日據趙州隆平縣

申稱卑職赴鄉稽查保甲訪有民人李思義以治病爲由傳授張茂林姜成宗等跪拜太陽禳災避難騙惑愚民已將爲首之李思義並爲從之張茂

林姜成宗拏獲現在審訊又據民人殷兆祥孫成名張重義田亮孫成義李建各自首到縣據供李思義說今年世人多災歸他道中可免災難叫我們每日三次朝著太陽叩頭供三代宗親牌位每月給李思義幾箇錢他替上供保平安我們愚昧被惑如今蒙把李思義拏了恐被連累具呈出首等情申報到臣臣恐邪教惑衆或黨羽衆多隨檄布按兩司速飭查明餘黨限十日內審擬詳解去後今據兩司招解前來臣覆加親訊李思義本因窮苦不過想誑騙錢財並非實在邪教其張茂林

姜成宗亦因被李思義所惑轉向伊等認識之殷兆祥田亮等令其相隨跪拜太陽禳災避難此外竝無黨羽所供與司詳無異據該州縣比照私家告天拜斗褻瀆神明杖八十律詳請完結臣傳同布政使王暮按察使竇啓瑛面商李思義窮極無賴借拜太陽爲名誘騙錢財入己雖無他意但此等風氣斷不可長爲首之李思義應援照稱爲善友求討布施發邊外爲民例發邊外爲民爲從之張茂林姜成宗及聞拏自首之殷兆祥等分別枷責發落是否允協仰懇

皇上睿鑒訓示施行謹

奏

據奏議將李思義發遣邊外爲民而竝未言及該地方官作何拘管恐到彼又生事端煽惑愚民行文時當添入爲是

雍正十年閏五月十四日刑部尚書署理直隸總督事務臣劉於義謹

奏爲續報雨澤事雍正十年閏五月初六日以前各屬報到得雨日期臣已繕摺奏

聞外茲於初六日以後續據順天保定永平河間正定



廣平大名宣化天津等府冀深晉定直隸等州報稱所屬於閏五月初一初二初三初四初七等日得雨一二三寸以及四五六寸不等臣謹將各府州屬之得雨縣衛并該地方得雨分數另繕清摺恭呈

御覽伏乞

皇上睿鑒謹

奏

覽爾所開清摺得雨分數未盡確實

同日又

奏爲奏

聞事竊臣據布政司准口北道移據張家口理事同知開白石詳稱口外

先農壇廟夫武政稟稱政於五月十六日耕種

先農壇地畝地內創得古錢一堆不敢隱瞞入已理合報明等情該同知隨親詣查驗共得古錢九十九掛每掛足錢五百文係五銖開元天聖景德政和熙寧元祐元豐祥符等年號堆存土內無物盛貯亦無隱匿他物由同知白石詳報到道轉移到司等情申詳到臣臣查古錢九十九掛俱係漢唐

宋錢文得於口外

先農壇內適符陽九之數皆由我

皇上敬

天勤民重農貴穀惠懷之德遍於遐陬有此地不愛寶之  
應廟夫武政以邊鄙愚民不自隱匿抒誠稟報亦  
屬可嘉除將古錢檄令宣化府貯庫及武政另行  
給賞獎勵外理合奏

聞謹

奏

此地方偶然事耳何須如是浮夸將錢文貯庫終成廢

物亦復何用殊屬小見之至給與本人領回可也毋使  
吏胥從申沾潤

同日又

奏爲請修衝郡城垣事竊臣據直隸布政使王暮准  
口北道王棠移稱宣化郡城東接

神京西連秦晉路通張家殺虎諸口夷民往來軍需  
絡繹實屬

畿輔重地自雍正元年發員修葺以來歷有年所其  
間多有殘缺坍塌今據該府縣會同武職逐一查  
勘將應修應建之處備細確估造冊申送前來據



冊開宣化郡城週圍二十餘里東西北三面城墻  
環口并四面城樓以及馬道等處估計工料銀一  
萬三千四百四十餘兩又郡城週圍向無敵樓策  
應瞭遠請添建敵樓四座估計工料銀四千七十  
餘兩城上向有礮臺六十三處礮皆露處請添建  
礮房六十三間估計工料銀三千二十餘兩又週  
圍有土臺九十一座請建窩舖九十一間爲巡兵  
往來遊息之所估計工料銀二千九百八十餘兩  
又宣城內外向無柵欄請設立柵欄一百二十九  
處嚴禁夜行盤詰姦宄估計工料銀一千五十餘

兩又城關內外向有分撥汛兵稽查匪類俱無房  
屋請建堆子窩舖四十間估計工料銀三百二十  
兩又城內有鐘鼓樓二座日久倒壞應行修整估  
計工料銀四千七百三十餘兩以上共料估銀二  
萬九千六百三十餘兩請於司庫存公耗羨銀內  
動用興修等情申詳到臣臣查宣化地當衝要城  
垣非比別郡理應修整但據估計冊內并欲修葺  
鐘鼓二樓似非急務至直隸各州縣柵欄俱係地  
方官督率里民建立亦無請動公項之例除飭布  
政司遴委能員赴宣閱視酌量核實料估外所有

宣化府城應否卽行興修之處仰懇

皇上睿鑒訓示施行謹

奏

宣化府城垣應修之處命該道王棠等確查酌估定議

具奏

雍正十年六月二十四日刑部尚書署理直隸總

督事務臣劉於義謹

奏爲請修橋梁以便行旅事竊臣據布政使王暮申

據霸州知州陳起唐呈稱卑州苑家口地方有永

濟橋一座係南北往來通衢橋長三十丈寬三丈

五尺因歷年久遠全橋傾圮木料俱皆腐爛若不

急爲修葺則行旅往來輪蹄絡繹深有未便伏乞

委員勘估興修等情本司隨委大城縣會同該州

逐一確估共需工料銀二千二百五十兩零造冊

詳報前來應請

奏明於司庫小飯銀內給發修理完工造冊報銷如

有餘剩飭令解還歸款等情申詳到臣臣查霸州

苑家口之永濟橋係山東登萊青三府進京大路

今旣全橋傾圮木料腐爛似應急行興修據布政

司請動司庫存公小飯銀二千二百五十兩零給



發修葺如有餘剩飭令解還歸款等語似屬允協  
理合奏請與里木林蘇聯以懇急旨與劉對市如  
聞其應否卽行給發修理之處仰懇青三採並京大器  
皇上睿鑒批示施行謹  
奏  
橋梁乃濟渡攸關況係通衢亟應修理者照所請行

雍正十年七月初四日刑部尚書署理直隸總督  
事務臣劉於義謹

奏為據實奏

聞事竊查雍正八年直隸河間順德廣平大名四府俱

被水災而大名尤甚蒙

皇上百計拯恤而於大名一府又續加賑濟萬姓得以  
安全查大名屬之長垣東明開州自雍正八年十  
一月起至雍正九年四月有扈三等行劫袁廷美  
等家盜案一十六起內除有兩案尚未緝獲外其  
一十四起共盜一百六十名已獲八十三名內病  
斃五十五名現存二十八名彼時各州縣以各犯  
或執有柳棍或細縛事主形跡似盜故俱以盜案  
申報前署督臣唐執玉據文俱參疎防在案余在  
逐一親審所得贓物或糧數斗或小錢數百文俱

係近村窮民一時爲饑餓所迫見有饒裕之家起而竊奪竝非積匪慣盜情尚可憫查定例直隸盜案自雍正八年以後不分首從俱應斬決在臣止應執法豈敢原情但恭遇

皇上如此如天好生臣若不將各案實在情形奏聞仍復照常擬斷在

聖主無由而知臣清夜捫心實不自安謹據實陳奏可否仰邀

皇上格外天恩容臣將此十六案現獲人犯并將續獲人犯其盜首及緝縛事主之犯照減等例以流罪

發遣其無知爲從之犯枷責發落飭令地方官嚴行管束不許出外爲匪如有再犯仍照原案治罪應否如此完結或應照定例問擬完結之處伏懇皇上睿鑒批示施行謹

奏

仍應照例問擬但將情由於疏內聲明爲是豈有率意改擬摺奏完結之理

雍正十年七月二十日刑部尚書署理直隸總督

事務臣劉於義謹

奏爲叩懇

硃批諭旨

吳

劉於義



天恩事竊臣蒙

皇上命署陝西總督印務并辦理軍需事件又復

恩賞路費銀五千兩二十日抵濟尚書署駐直隸蘇晉

高厚鴻慈至優至渥今已於本月二十日馳驛星速前

赴肅州矣臣更有請者臣子劉復係雍正五年進

士翰林院編修雍正八年七月蒙

皇上命往直隸廣平府賑濟

恩賜紀錄二次十月內丁憂回籍本年四月省到保

臣因其將次服闋若回至江南又隨欲北上仰懇

皇上天恩可否伏乞 聖鑒 訓示 謹 奏

命入南書房學習行走恭聆

皇上訓誨俾得至於成人則臣尤沐

皇上深恩於無旣矣爲此繕摺請

旨謹

奏

已有旨命汝子劉復入南書房行走矣

皇十...  
皇土...  
命入南書...  
學...  
去恭...  
領

硃批王溯維奏摺

雍正七年閏七月初十日分查松江府錢糧

王溯維謹

奏為稟遵

聖諭奏謝

天恩事竊臣至愚極陋歷任州縣罪過多端蒙

皇上格外施恩不加黜革屢奉

溫旨寬宥數年間擢至監司大員受

恩深重無以復加今春蒙

皇上畀以分查江南松江府錢糧重任聞

硃批諭旨

王溯維



命之下不勝惶悚伏查松江一府舊欠至二百三十一  
萬餘兩三倍於兩浙且積弊相沿巧詐百出臣日  
夜籌畫謹擬彙欠順莊之法釐剔松江花分詭寄  
之弊與設櫃聽完之條列爲六款於三月二十七  
日到蘇州時卽分呈總理諸大臣在案臣於四月  
初一日受印卽赴松江府視事敬宣

皇恩浩蕩於吏役人等飭令自首一月之後書役出首  
八萬有餘鄉紳出首一萬有餘曾具文報明總理  
各大臣在案臣昨年任浙江巡道時曾將孫女與  
趙向奎之孫新聯姻親今年五月間聞藩司幕客

杜姓招搖風聲遂直言相告無如趙向奎粗疎任  
性以彼前任嘉定時曾管錢糧有效遂爾深信不  
疑此實臣匡救不力奉職無狀幸蒙

皇上天恩不卽治罪復

賜諭旨於七月二十日吏部侍郎臣彭維新傳臣密付  
跪讀

天語諄諄訓誡臣愧汗交流悚惕無地嗣後惟有洗心  
滌慮秉公持正努力以蓋前愆斷不敢仍蹈故轍  
因循苟且以期無負

皇上加恩擢用之至意也緣奉

硃批諭旨

諭旨事理謹繕摺回

奏叩謝

天恩謹... 汝等於此一舉實力勉行與否斷不能逃朕耳目一生功名身家所繫勉之慎之魯論云擇善而從何不努力效法李衛鄂爾泰田文鏡三人耶內外臣工不肯似其居心行事之故朕殊不解若不能如三人之行為而冀朕如三人之信任不可得也亟宜殫心竭力黽勉盡職此後奏摺到京交大學士張廷玉轉達

雍正七年九月初三日分查松江府錢糧臣王溯

維謹

奏為欽遵

聖訓叩謝

天恩事竊照清查一案臣具摺自陳匡救不力之罪荷

蒙

皇上格外洪恩不加罷斥

欽賜硃批訓勉臣跪讀之下不勝感激涕零伏思李衛

鄂爾泰田文鏡三人居心忠正辦事精詳臣何能

仰冀其萬一茲蒙

硃批諭旨

王溯維



聖訓諄切敢不勉力效法但臣之才不能及此三人者  
實天資庸劣之所致而臣之心竊欲效此三人者  
乃區區效力之微忱也緣奉到

聖訓理合叩謝

天恩竝繳

御批原摺謹

奏

據奏心欲倣效李衛鄂爾泰田文鏡等三人而慮才或  
不及朕謂其才可勉強企及其心未必能效法也不  
但小臣之中卽內外大臣經朕諄諄訓諭能彷彿者尚

未見有幾人何況於汝夫心者本也才者末也本旣差  
謬末亦自必不及縱有些少作用亦不過從歷練中得  
來之小有才耳所以云但當務本不必逐末若祇以才  
目王臣不止心無所知亦且目無所見汝言誤矣今且  
無庸遠效彼三臣姑取則馮景夏溫而遜胡增耀三人  
亦可矣

同日又

奏爲兼理海關詳辭未准陳請

聖鑒事竊照江南分查一案浙江督臣李衛准戶部咨  
轉檄到臣內開奉

硃批諭旨

四

王溯維

旨松江府著派出浙江杭嘉湖道王溯維其杭嘉湖道  
聖鑒印務著李衛委員署理等因欽此欽遵謹捧讀感

奏泣我聖恩

皇上深知松江府屬積欠繁多分查重大臣力量不能  
兼顧是以著令另委員署理道務俾臣得專心清  
查此誠

皇上明竝日月

恩同覆載者也臣於四月初一日領印卽赴松視事敬  
宣

皇恩浩蕩開導紳士書役自首數目已經

奏明在案六月初一日接前署撫臣王璣檄委海關  
稅務臣原擬具詳請辭因檄開現經

題明等語是以靜候部覆茲於閏七月二十六日署

撫臣彭維新接准部咨奉

旨依議欽遵飭臣兼理海關臣卽將不能兩顧緣由於  
八月初二日詳請署撫另委員管理至月底未經  
批示臣再四躊躇分查重任與海關稅務均屬錢  
糧干係實有萬萬不能兼顧之勢效力有心分身  
無術倘不揣力量冒昧從事勢必顧此失彼臣罪  
不足惜深恐有負



皇上格外擢用之恩則臣罪滋大爲此具摺陳情伏祈  
皇上睿鑒施行謹

奏

既有今日之推卸卽不當有始初之營求也源不清而  
巧飾以潔其流豈可得耶

雍正八年四月十二日分查松江府錢糧臣王溯

維謹

奏爲敬陳造冊之法以除積弊仰祈

睿鑒事臣以庸劣無似謬任分查重責一載以來夙夜  
惶悚周行八邑詳加訪察乃知巧詐百出種種不

一究其作弊之由皆因州縣造冊漫無章程是以  
新批姦胥猾吏得以任意增減肆志侵蝕其害誠有不  
聖備可勝言者按今時之積弊倣古人之成法惟有立  
一定不易之制度使州縣遵守奉行則積弊可除  
民生以安

國計自裕矣一造冊宜照管收除在一易知單宜散  
給花戶一宕票宜隨時改正一縣令宜久任責效  
以上四款臣謹按松江積弊酌量補救是否有當  
伏乞

皇上睿鑒施行謹

殊批諭旨

六

王溯維

皇奏

前二條應與總理清查大臣言者何必奏朕其餘似此奏陳者甚多不止汝一人已也

同日又一

奏為欽遵

聖諭叩謝

天恩事竊

聖諭一摺奉到

硃批

爾泰田文鏡三大臣卑鄙小見誠如無章

聖訓所云臣今唯勉力效法馮景夏溫而遜胡增耀三若自暴自棄不肯奮志加勉朕則無如之何矣人猶恐秉質愚昧不能企及至清查一案臣前已

將官侵役蝕首數奏報在案續又搜獲各承私簿

查出弊侵清書數書區差里保里耆甲首歇家遞

冊錢莊銀匠以及生監并各衙門書役人等屢出

示曉諭諄諄開導茲又首侵銀三十萬兩雖水落

石出必俟協查官逐戶挨查方有著落而役蝕之

數現在陸續出首諒必加多合先具報謹

奏

覽

硃批諭旨

七

王溯維



同日又

奏為欽遵

聖訓恭謝

天恩事竊臣奏為兼理海關詳辭未准陳請

聖鑒一摺荷蒙

硃批既有今日之推卸即不當有始初之營求也源不

清而巧飾以潔其流豈可得耶欽此臣跪讀之下心

切冰兢果否營求自然難逃

聖鑒無任惶悚謹

聖奏

朕鑒猶屬末節唯能勉對

天鑒無慚則是矣

雍正九年三月十八日分查松江府錢糧臣王溯

維謹

奏為奏明事竊臣奉

命分查松屬錢糧受事以來夙夜兢惕詳加籌畫先照

總理衙門所定彙查彙欠冊式督飭印協官詳查

糧戶各年應完糧額分晰完欠將花分子戶俱歸

的姓實名冊竣之日即令協員輕舸減從按冊逐

戶挨查核其戶名住址之實在察其是侵是欠之

殊批諭旨

八

王溯維

切據臣一面周行八縣一衛敬宣

皇上爲民除害至意咸使周知其從前舞弊侵蝕錢糧之經承櫃書以及甲首歌家與各衙門書役衿監土棍人等勤爲開導以安其心詳爲搜查以破其弊擇其尤黠者嚴加懲創以儆其餘百姓胥吏皆深感

皇恩高厚凜知

國法森嚴據吏役人等將侵蝕諸弊先後陸續出首計松屬應查積欠銀二百二十四萬餘兩自雍正七年四月至本年二月遞據各屬報明挨查已竣

并報到自首及查出官侵銀二萬八千九百餘兩吏蝕銀一百二十萬五千二百餘兩又敬籌查追案內奉文將雍正五六兩年錢糧一體清查竝據各屬報自首吏蝕銀一萬二千七百餘兩俱經分晰報明總理大臣在案至於其中間有年遠人湮冊籍殘缺印串遺失又恐書役等將小民欠少開多各役蝕多首少臣又飭令協員乘此造冊結數之時再加詳細核察一面將糧戶被侵實欠各年數目詳註執照逐戶發給以杜姦胥欺朦之弊此臣兢兢辦理之愚誠也臣深愧智識短淺未敢自



信為徹底釐剔恐不足以仰報  
皇上天恩於萬一茲屆限滿理合先將各屬查竣情由  
及侵蝕數目具摺  
奏明伏祈  
皇上聖鑒謹  
奏

自信不及之事奏朕何益似此預留地步希免日後譴責實難信汝兢兢辦理之愚誠也

殊批趙向奎奏摺念向人祺至蒙  
蘇江南蘇州布政使臣趙向奎謹  
奏為恭謝

天恩事竊臣山右鄙儒初任溧水知縣調繁嘉定部議  
因公革職蒙  
恩從寬留任旋蒙引  
見又荷  
天恩復還原職  
特陞廬州府知府繼又疊沐  
聖恩陞授巡糧二道今復奉  
殊批諭旨

殊批諭旨  
趙向奎

旨超擢蘇州布政使三載之間末職下僚游膺方岳重  
并到任

皇上之寵眷愈渥小臣之報稱愈難銜感愈切除經詳  
具文院代題謝

恩外余於三月十五日浙江織造臣許夢閔至臣衙門

恭傳

聖旨賜給臣漆匣四箇鎖袱俱全許臣得用摺子著令  
送交怡親王呈

進欽此漚恭設香案望闕向奎  
闕叩頭祇領訖伏念臣何人斯至蒙

皇上恩許摺奏俾葵藿微忱得以上達

天聽臣惟有勉竭駑駘益加謹恪以圖仰報

洪恩於萬一而已爲此謹

奏

試捫心自問竝仰觀於

天若不做一出色人物以全朕顏面於汝安乎否耶勉之  
勉之之道無他技術惟將公私二字辨別清楚而已但  
秉彝天良與任性粗猛似是而非切不可因於心無愧  
遂欲徑情率意鹵莽而行必當臨事精詳慎密方無舛  
謬凡百過猶不及以適中爲要勉爲之



江南蘇州布政使臣趙向奎謹

奏為恭繳

硃批事雍正六年五月初五日臣家人齎捧

皇上硃批臣摺到署跪讀

上諭訓勉周詳言言鍼砭臣雖至愚敢不時加警惕仰

遵

聖恩提命所有原奉

硃批奏摺一扣理合恭繳謹

大奏日勤百煥激蕙調益賦藟補以圖叫辨

訓勉雖詳能遵行與否須看爾之造化何如朕亦難強

之使然也

十日降藩日今則與已成因報費未熟詳交

江南蘇州布政使臣趙向奎謹八十六萬鎰兩備

奏為據實奏

聞事臣於本年二月二十五日到任核查前司張坦麟

交代冊內收存正項銀兩俱無虧缺應解刑工等

部飯食等銀亦無短少此外止有另貯在庫銀二

萬一千三百四兩零據稱此項係伊任內贏餘已

經

奏明歸公不可輕動其餘應解戶部飯食及添平等

銀三萬七千三十九兩零竝無存庫臣當即移咨

查詢據張坦麟覆稱此項飯食解費應於雍正六年分所收耗羨銀內動支起解臣據咨具詳奉撫臣陳時夏批示部餉飯食原係各屬每年隨徵解司交收自應按年按款將屬解之銀支用至於耗羨解司

奏明六年爲始以供六年公用竝非以充從前年分飯食解費今何得藉詞牽抵等語臣復又錄批移咨催解而坦麟仍行固執前項銀兩終無著落但存庫銀兩現准部咨提解京餉八十六萬餘兩期限八十日到都目今限期已迫因解費未據移交

奏致稽起解且交代限期已滿臣不敢自蹈徇隱之咎除詳明督撫臣聽候具

題外事關司庫錢糧重務理合繕摺奏  
聞伏乞

皇上睿鑒批示施行謹

奏

於此一事觀爾不能秉公執正惟知阿順撫臣深負朕擢用之恩已有旨矣似此借題陷人徒害自身而已何益之有審觀目今已往朕用人行政之道歷歷可鑑除還朕一公字是字餘無他策也

硃批諭旨

四

趙向奎



江南蘇州布政使臣趙向奎謹

奏爲恭謝

天恩事竊臣蒙

聖主特恩擢陞江蘇布政使又蒙

俯准部議許臣交代清楚給假數月回籍營葬自問何

皇上人乃荷

皇上錫類宏慈下逮微賤臣雖捐糜頂踵何由仰報萬

一茲因前司張坦麟交代案內尚有解部飯食等

銀未楚臣先經摺

奏現在候

旨一俟  
皇上批示到日即將此案料理清楚束裝回籍所有微

臣感激

天恩下情理合先行繕摺

奏謝更有請者江蘇爲錢糧重地藩司任大責重一

切事宜有奏摺未能盡悉必面

奏始得詳明者可否容臣於給假離任後趨赴

闕廷

指示則地方緊要事宜俱有遵守矣如蒙

俞允臣卽兼程進京後再行回籍合併聲明謹

殊批諭旨

五

趙向奎

命奏  
應先回籍料理完畢然後赴京面請訓旨

江蘇布政使臣趙向奎謹

奏爲恭繳

硃批叩謝  
天恩事六月十七日臣家人齋摺回署欽奉

硃批臣跪讀之下感激慙悚伏念臣一介庸愚蒙

皇上洪恩超擢藩司受事之後即將前司張坦麟交盤  
冊內逐一清查俱無虧缺惟因存解戶部銀兩例  
有飯食等銀咨詢前司隨准移覆擬於六年耗羨

內動支臣卽據詳兩院奉前撫臣陳時夏批駁按  
年按款不准牽抵斯時因耗羨歸公事屬初行  
無例可稽惟拘不敢擅動之見以致不能顯然別  
白是非秉公抗拒皆臣識見淺陋之處咎實難辭  
蒙

皇上天地包容不卽加罪

硃批訓飭諄切開導臣雖下愚敢不悔悟竭忠報效臣  
已於署撫臣張坦麟任內詳明動支飯食等銀於  
七月十五日隨正解部訖一切交代俱已清楚具

結所奉

硃批諭旨

六

趙向奎



硃批理應恭繳謹

奏于八月十五日割五職陪訪一冊交升其口書呈具  
既自知過咎當以為終身戒倘再有類此不公形迹則  
難容輕恕矣

皇上江南蘇州布政使臣趙向奎謹

奏為耗羨一案酌議畧有定規先繕清單恭呈

睿鑒事

皇上天恩畀以蘇藩重任又蒙  
恩准給假回籍葬親惟有銜結因孫美歸公事  
高厚勉圖報稱應將任內一二緊要案件先行辦理方

敢就道如清戶清糧一案已經確議通詳由督臣  
范時繹具

題外其耗羨一案因撫臣陳時夏未經竣局署撫臣  
張坦麟與臣細加詳議逐一酌派畧有定規惟公  
用之內尚有幾款現經署撫臣咨詢行查未經覆  
到今署撫臣張坦麟奉

命赴任江西行令再加核議臣不敢草率擅專應候署  
撫臣尹繼善到任商酌妥辦完結另行奏  
聞臣現在遵

旨給假於九月初七日卸事十五日起行回籍合將先

旨命行定議款項繕具清單恭呈  
睿鑒伏乞

皇上俯賜指示欽遵爲此謹

奏

尹繼善到任後自必料理清楚奏聞於朕也

奏

朕

朕

朕

硃批潘體豐奏摺

福建布政使臣潘體豐謹

奏爲恭謝

天恩竝陳管見事雍正八年三月初四日福州將軍臣

阿爾賽自京回閩傳宣

上諭汝到任時下旨與潘體豐此後命伊奏摺其奏來

之摺交大學士張廷玉代爲轉達欽此臣跪聆欽遵

望恩隨望

關叩頭謝

恩訖竊念臣一介庸愚至微極陋蒙

硃批諭旨

潘體豐



皇上天恩以候補主事同知於雍正五年六月內  
命往福建以知府補用二年之內仰荷

聖恩不次超擢由知府臬司洊歷今職臣何人斯竟上  
之邀文大學士等奏請於  
聖主隆恩優渥至此感激涕零之下惟覺奏聞其奏來  
恩重身輕卽捐糜頂踵實難仰報於萬一今蒙

特命奏摺此千載一時之隆遇敢不殫竭愚誠敬獻芻

蕘伏查閩省風土民情內地八府一州地土之腴  
瘠各別習俗之淳澆不同如延建邵汀四府小民  
和卅多以耕種爲業習尚良樸但山多田少民鮮蓋藏

蓄貯愛養事事須當悉心籌畫而禮教爲首重福  
興泉漳四府福寧一州依山傍海魚鹽種植之利  
均可資生但俗尚爭競人多虞詐欺凌刁悍之風  
未能悉泯而化導爲尤切則夫端本澄源因地制  
宜之道全在親民之州縣官不尚浮文不沽虛名  
不辭勞瘁煩瑣事事與民相爲休戚始能隨時隨  
地殫心竭慮力行鼓舞勸勉以收教養之實效但  
通省州縣繁多委難盡得夫良吏而督撫藩臬總  
理大綱得之訪察不如事事親見之爲確切詳之  
文檄不如時時倡督之爲實在其與州縣最親民

情最切之員莫如承上接下之知府苟知府各得其人斯可就近共相規勸浮囂者務勉於誠實遲鈍者務振其委靡而人材均可造就利弊無不興除庶幾吏勸民安仰副我

皇上宵旰勤求之至意茲閩省現在知府俱蒙

聖恩揀授雖各知自愛居官謹飭但於地方利弊未免視爲積習難移弗肯力圖倡率督撫及臣不時申飭勸導僅見彼善於此究難強致其公忠篤實勵已率屬之誠心且每年上下兩運差委辦銅動輒經年再遇陞遷緣事一時兼署之員更難期其實

盡察吏安民之道此感通移易之所以甚難也臣不揣冒昧謹將閩省官民現在情形據實陳

奏仰祈

皇上天恩俯念邊海巖疆事事較他省爲難治懇於

聖鑒之中賢能知府

命往二三員來閩以備委署補用俾臣得與協力同心力行教養庶可使屬吏羣知觀感奮興而地方亦可漸次風移俗易矣臣欽遵

諭旨謹將關切吏治民生之事恭繕四摺具

奏是否可採伏乞



皇上睿鑒施行謹

奏

所奏知道了但詞語太覺繁絮朕何暇細閱

同日又

奏爲薦舉之員宜註明事蹟確據以鼓人心以勵實政事竊思設官分職有一官卽有一官之責而實至名隨行一事必有一事之徵世無能盡其心而事未協者亦無事旣協而無實效者臣愚以爲端本澄源莫要於事事察其確據務使毫無假借似爲鼓勵實政之一道請嗣後外官不論特薦保舉

奏及

題陞調缺除首先分別其操守才具外如司道知府

直隸州皆有察吏率屬之責督撫必細察其居官辦事如何勤慎甄別屬吏如何公明某事某員可爲確據如州縣爲親民之官必細察其錢穀刑名如何措施得宜境內民生如何安輯得所地方如何日有起色某某事可爲確據果能於教養之事實心實力辦理者將事蹟指出於疏內聲明恭請聖明睿鑒其有薦舉保

題之後或陞本省或遷調他省誠能照舊事事實盡

張心力著有實政再列薦舉者聲請加一等議敘倘  
有陞調之後卽不至頓改前操或恃才驕矜或悠  
忽怠玩竝其原薦之事蹟亦皆更易致被叅劾者  
亦聲請加一等議處如此分別查察先後較量庶  
已邀薦擢者必益矢奮勵卽未邀薦擢者亦爭思  
勉圖似於吏治實有裨益矣謹

奏

言之似易行之甚難況激揚自有大典此議可以不必

張同日又

奏爲糧戶之的名宜清保甲之編查宜嚴請專員辦

理以收實效事竊照糧戶保甲皆地方最要之務  
惟在查察周密則包寄脫漏之弊自除各州縣旣  
以簿書紛繁難於分身又以苟且因循者多實力  
整理者少所以屢經立法申飭仍不免草率塞責  
若非專員清釐編查究屬有名無實臣愚以爲每  
縣似宜專委試用官一員再委該縣佐雜官一員  
協同挨戶查察一面清釐糧戶的名卽一面編查  
保甲則一舉可以兩得第查歷次奉

命來閩人員除委署試用并叅革事故外現無閒員茲

欽奉

殊批諭旨

五

潘體豐



上諭以進士章有大等十五員來閩學習伊等新進之  
命來士大抵謹飭者多似可分委稽查兼可就便涉歷  
風土民情但閩省內地州縣未老縣止此十五  
員輪辦不免太遲仰懇  
聖恩敕部於候補候選知縣人員內再揀選十五員來  
閩以便酌量縣分大小分委查辦請俟各員到縣  
之日爲始大縣限一年中小縣各限八箇月俾令  
從容細查先於沿海緊要處辦起竣日再各委辦  
縣總計一年內可以週遍俟各委員清查事竣  
卽以其所辦之事核其優絀好者請以知縣

題補平常者酌量人缺委署試用應學習者仍令學  
習如有滋事擾民及辦理怠玩者不時查叅佐雜  
官果實心協辦擇其最優者另請議敘平常者分  
別功過徹勉庶事有專責人知鼓勵而糧戶保甲  
可使澄清以收實效矣謹

奏

種種不通處難以枚舉

同日又

奏爲竊盜之查緝宜嚴請分別勸懲以安民生事竊  
惟安民莫先於弭盜乃閩省州縣惟於竊盜情重

賊數多者始具通詳其賊數無幾如掏摸鼠竊盜  
粟偷牛之類率多悠忽漠視匿不申報亦不嚴行  
緝拏是以上司無從稽查宵小未能悉除臣請嗣  
後除竊盜賊多情重而諱匿不報者俱照例叅處  
外凡地方中但有竊盜發覺事主呈報到官該州  
縣務將失竊情形賊賊實數勘詢明確就近卽報  
本管道府依限緝獲追賊刺字完結銷案總不許  
以其失物細微藉口諱匿該道府按季彙冊註明  
已未獲賊完結緣由移報臬司稽核轉報督撫查  
考如州縣於賊數無幾之竊盜諱匿一案者查出

記過二次諱匿三案者查出記過二次仍勒限緝  
拏務獲銷案如至三案不報而賊又未獲者卽備  
敘情由照溺職例叅處知府直隸州照失察例議  
處以示懲儆果能查緝嚴密一年之內竝無鼠竊  
等案或偶有一二案卽能旋報旋獲照例完結者  
記功一次如至二年竝無諱匿實無鼠竊等案者  
記功二次若至三年能使地方寧謐委無竊案者  
道府查實由臬司申報督撫核明卽將本員平日  
居官辦事如何之處開明事實出具考語保  
題以示鼓勵如此庶各官知所做勉而查緝防範之



限克勤自可使宵小斂跡民生安樂矣謹  
奏 臣官辦車馬之費開明事實出具清單  
為竊盜一事條奏者頗多率堪為似此不通謬論本員平日  
同日又  
奏為請嚴保長之選舉立法勸懲以正地方事竊惟  
半家為甲十甲為保各州縣鄉村於保甲中設有  
保長一役所以稽查匪盜和睦鄉里以期保正一  
方役雖微賤有關於地方甚重聞省習俗刁頑從  
前所設保長非姦棍謀充即豪強占當每多恣意  
武斷顛倒公評因之訟端易起風俗澆漓若不嚴

行選舉立法勸懲積弊難清惟請  
敕下督撫嚴飭各州縣確查凡有從前謀充占當及有  
惡犯案者槩行請革務選老成正直農民取具約正  
族隣公結該州縣驗明給照委充仍將所屬鄉村  
實需保長及選舉名數造報司道備案遇事故革  
除頂補等事竝報查核每於月朔著傳集耆民同  
約正值月齊至講約處所聽講

聖諭

廣訓責令協力共相勸勉遇有批查之事務於五日內  
秉公查明據實稟覆倘藉端滋事或徇延不實一

經查出加凡人一等書明事由於地方枷示儆衆  
如能竭力奉公三年毫無過犯者州縣官量行獎  
賞若五年全無過犯竝能和息爭端者申詳道府  
給匾鼓勵如至十年無過且善於勸導稽查能使  
保甲中鼠竊姦匪屏絕地無曠土民無游惰者州  
縣查明取結開具事實由府核確申報督撫查實  
比照老農之例  
題請給與八品頂帶榮身若州縣不查實率報察出  
照濫舉匪人例叅處如此庶源清流潔保長之選  
可得正直之人將見地方中勸導觀感而澆漓之

習自日歸淳正矣謹  
奏  
應稟請該督撫商行

福建布政使臣潘體豐謹

奏為奏

聞事竊照閩省仰賴

皇上至德覃敷連年收成豐稔山海寧謐今歲自入春  
以來通省雨水調勻茲於五月內據各屬陸續開  
報二麥收成分數臣細核總計約有八分收成值  
此春夏之交小民得以接濟洵為有益再查通省



裁插得時禾苗俱好至於各屬米價甚平現在臺灣府屬據報民間食米價銀每石六錢至七錢六七分不等興化府屬每石七錢八錢不等漳州邵武汀州三府每石七八錢至一兩不等泉州延平建寧三府並福寧州每石八九錢至一兩一錢不等惟福州府地處省城兵民雲集食指浩繁米價向比外府稍貴自上年冬至今春三月內每石價銀祇在一兩上下迨夏初稍覺微長而四月二十七八等日每石米忽長價二錢有零臣察訪其故蓋緣省會食米全賴上游一帶商船運糶適今春

隣近江浙地方米價騰貴小民圖利率多聞風販賣又以四月內連次大雨溪河水漲小舟莫敢載運偶值米船稀少致價稍昂臣當卽詳明督撫二臣將福州府及閩侯二縣所貯平糶江浙米穀乘時開糶米價旋卽平定指日蚤稻登場自更可平減再有連江羅源福安寧德等縣地處山海交錯當此青黃不接之時民間食米亦覺缺短臣酌量數目詳明督撫飭行地方官將存貯積穀減價平糶併據各縣出具秋收買補印結存案則民食得濟而將來倉項亦可不致虛懸所有閩省現在米

價竝二麥收成及蚤稻雨水情形理合恭摺奏

聞謹

奏

據奏二麥已收米價平減雨澤及時禾苗豐茂以手加額覽焉

同日又

奏爲報捐積穀事竊照積貯倉爲地方預備之良法今查閩省積穀民捐自康熙二十一年起官捐自康熙三十一年起迄今通省官民捐貯積穀除各案虧空叅追外現存官捐穀六十二萬五千五百

八十七石零民捐穀一十六萬四千三百石零俱實貯在倉但此項乃積貯於平時取用於歉歲惟在實力勸導不事勉強俾官民知所樂從始爲愈久愈善之計案查從前每年官民捐積尚至二三千石及四五千石不等近年以來未免視爲不急之務每歲捐數無幾臣仰體

皇上軫念民生重農務本至意夙夜兢兢刻思爲民預備因於上年秋成後先捐穀四百石分貯府縣各倉隨會同在省司道詳明督撫通行各屬量力捐貯并勸勉紳士富家務期各自樽節有餘以備不



足當奉督撫二臣各捐穀二百石臬司及道府廳  
縣亦陸續報捐其聞風向義捐數最多者如仙遊  
縣侯選州同徐華生員徐升兄弟三人共捐穀三  
皇上手石兼願自建社倉存貯又候選縣丞李長華願  
捐穀五百石附入倉內當據興化府詳報臣俱轉  
報督撫批行獎勵以爲率以來未聞有不急之  
聖世好義急公者勸查現在通省官民捐積穀石竝願  
入社倉穀石約計已有百萬二千石有奇臣仍不  
時勸導若至本年夏稻收成之後自必捐積倍多  
從此源源增積則倉儲日見充盈海疆愈爲有備

矣理合恭摺奏

聞伏乞  
皇上睿鑒謹

奏

捐積倉穀以備緩急原屬極美之事但不可涉於強迫

同日又

奏爲奏明分貯各屬帑銀數目仰祈

聖鑒事竊閩省山海巖疆儲備爲重茲蒙

聖恩念及辦理軍需及事務繁劇之州縣均做照大宛

二縣之例酌留帑銀以備急切公事之用仰見我

殊批諭旨

十三

潘體豐

皇上聖明遠照爲臣民籌畫萬全者至周且渥雍正八  
年十二月初九日臣奉督撫牌行准戶部咨協撥  
浙江省銀二十萬兩解閩交督撫布政酌量分貯  
等因捧讀之下不勝踴躍歡忭遵卽詳察各府州  
地方情形分別沿海衝僻以酌銀數多寡擬福州  
府分貯銀三萬兩興化府分貯銀一萬兩泉州漳  
州二府各分貯銀三萬兩延平建寧二府各分貯  
銀二萬兩邵武府分貯銀一萬兩汀州臺灣二府  
各分貯銀二萬兩直隸福寧州分貯銀一萬兩伏  
思帑銀分貯府州庫以備公用乃千古難逢之

曠典凡存貯動用之處均宜嚴加查察以防弊竇除照  
舊例依部文通行各府州縣遇有實在急切差使刻不  
可緩之事一面備文赴該府州具領該府州卽行  
核明給發通報查考如有虛冒情由卽揭報叅究  
至各府州存貯銀兩援照察盤倉穀之例每歲底  
責令各該管道員於盤倉之時乘便盤驗出結由  
藩司核轉督撫咨部查核如敢扶同徇隱察出將  
該管道員一併叅賠以杜府州日後虧空之端此  
臣謹小慎微之見經詳明督撫批示將浙省解到  
銀兩照數給發各府州分貯訖所有微臣遵



旨辦理緣由理合繕摺奏

聞謹

奏

詳加斟酌辦理毋得粗率從事

福建布政使臣潘體豐謹

奏為恭謝

天恩事雍正九年十月十二日新任福建按察使劉藩

長抵閩傳

旨雍正九年七月二十五日奉

係朕物色之但欲辦專

上諭潘體豐人草率亦鹵莽因他在那裏搖搖不定朕

主見尚

未

亦未之確許命他堅定志向以精詳和平自勉

也學不佳他欽此臣跪聆之下感深涕零悚惶無地

前諭原係如此何意劉藩長更改混傳可將此諭向藩

長詰詢朕初無怪汝之心亦竝非聞汝有過而降旨申

恩訖伏念臣庸愚至微極陋屢蒙及處訓誡俾知

飭也為因藩長赴任之便偶將朕所及處訓誡俾知

皇上特恩超拔至藩司之職夙夜警惕寢食之間亦不

勉勵之意汝其有則改之無則加勉切莫妄生疑懼乃

朕望汝敢稍有懈忽但臣駑駘下乘而又遠處邊末弗克

親承親承

聖主訓示雖犬馬圖報之心時時策勵毫不敢瞻顧因

循而才識短淺自不覺愆尤叢集實臣寤寐難安  
之隱衷今跪聆  
皇上教訓容臣愚昧勉臣疎庸臣自顧何人仰蒙  
殊批諭旨

聖主造就矜全至於斯極惟有恪遵  
上諭益加勉殫臣耳目心思之力務期公忠自矢誠  
前不移隨時隨事詳慎斟酌以仰報我  
皇上高厚隆恩於萬一耳所有微臣感戴下情理合恭  
摺

奏謝伏乞

睿鑒謹

恩奏

諭既錯傳此奏朕不全覽也

同日又

奏為酌議分買穀石以裕倉儲事竊照閩省於雍正

四年偶因秋旱歉收蒙我

皇上特頒恩旨撥江西倉穀碾米十五萬石運閩平糶

適江西是歲秋亦被水除已運五萬石外餘改撥

江安二省將截漕米先撥十萬石運閩仍令江西

運還江安俱經運收明白正在清理還項間奉准

部文據江西撫臣謝旻以江省倉穀充裕毋庸買

補請將米價留閩買穀貯倉脚價併留閩充餉蒙

皇上恩允奉督撫行臣酌量辦理臣遵查前項米石早

經盤收內有當年已經隨時平糶者亦有隨後價



平未買及價存縣庫尚未解司者更有各屬虧缺  
霉蒸參追未完者臣俱逐一剔清歸款現存司庫  
米價銀一十一萬九千二百十九兩零內除應還  
江省脚費銀二萬七百四十九兩留閩充餉外實  
存銀九萬八千四百七十九兩零查閩省穀價多少  
不等今照現在時價酌中每石以四錢五分勻算  
約可買穀二十一萬石有奇邊海地方多爲積貯  
是誠屬有益但若將前項穀石竝買於一時竊恐市  
價高騰有妨民食臣今悉心籌酌揆度地方情形  
及各屬存穀多寡竝查其本處是否產穀照依大

中亦縣分別採買數目其買穀亦不拘定期總  
視年成豐歉爲準如遇豐收卽令乘時買貯倘收  
成稍薄卽存價以待再閩省地氣卑濕倉穀易於  
霉朽定例存七糶三出陳易新而各屬於青黃不  
接之時惟慮山海地方糶出易而買補難往往一  
任檄催率多以毋庸平糶爲辭輾轉遷延以致積  
穀莫能流通更易此不惟有關於倉儲抑且無益  
於民食臣復細加酌議將前項買添之穀收貯後  
於次年青黃不接之時卽令將陳穀照買添之數  
平糶其價銀就近解貯府庫秋收復令領回買補





旨自首免罪例併免追從前欺隱之賦卽遵照於雍正七年入額起科徵解又內地陸續報墾田地共三十四頃二十六畝零共應糧銀二百三十二兩零米二十石零俱照例分別水旱限年陞科臣查核明確先後造冊詳報撫臣具  
題在案但臣細加察訪閩省地方遼濶其山陬海澨窮簷蔀屋之民以有司之查察難週已墾未報者正復不少祇以巖疆重地未敢過爲督責滋擾惟有恪遵歷頒

恩旨董率屬員多方做勉開導令其自相首報如果係

真頑不化查實照例究治懲一警百如果有坍荒難墾之處亦令據實造報免累貧民至於歷年久遠祖父流傳之業內有隱匿漏課者亦必準情酌理詳察其隱匿情由是否有心細爲分別查辦固不敢輕爲縱容亦不敢絲毫率忽總期於執法之中寓體恤之意以仰副我

皇上軫念海疆愛養元元至意所有閩省連年首墾田糧數目竝臣現在辦理緣由理合繕摺具

奏伏乞

睿鑒謹

奏

覽奏閩省首墾田糧數目情形諸凡辦理及所立主見均屬協當日並用契本等項具

福建布政使臣潘體豐謹

奏為奏

聞事本年正月十四日夜三更時分臣署內堂側小房

內家人一時昏睡燈火延及紙窓接連頂棚燒上

板房臣聞聲立起奔救立即搶護內堂供奉

救書

上諭等書詎火焰甚熾已不能近前臣見火勢猛烈徒

手難援而錢糧重地外人未便輕入當即親齎印

信趨赴庫堂保護庫藏一面遣役飛報督撫撥兵

救援乃夜靜人稀各衙門重重封鎖救火兵丁一

時未及趕至迨督撫二臣到時其內堂及接連之

房屋已皆焚燒無存臣督令兵役極力救護止於

東西兩處拆截火路猶幸庫藏保護文卷無失附

近居民亦無損傷此皆仰賴我

皇上洪恩庇祐之所及也惟是臣既不能預防於事前

又未及救息於臨時疎忽之咎實切悚惕伏祈

聖慈俯賜訓誡庶臣知所遵守將來益加黽勉省疚以

殊批諭旨

十九

潘體豐



聖恩贖前愆至於燒燬房屋共計大小八十三間臣奉  
撫臣趙國麟批查燒燬署房修補之例隨查閩省  
從前督臣滿保撫臣卞永譽按察使臣郎廷極衙  
署焚燒其建造俱出自地方公捐茲值上下肅清  
之時臣斷不敢復循舊例況臣蒙我文卷無夫州  
皇上厚賞養廉闔家均沾臣曾命其子趙國麟代其進呈臣  
聖恩惟有搏節用度以圖完補現在商請督撫臣與  
工辦理除循例詳請撫臣具稟外臣曾命其子趙國麟代其進呈火兵丁一  
題外所有軍署失火情形竝現在辦理緣由謹繕  
摺恭對西廷臣曾命其子趙國麟代其進呈重此伏人未與陣人當哨隊齊仰

奏伏乞

皇上睿鑒臣不勝戰慄悚惶之至謹

奏

當警惕自省極加戒慎可也

硃批李玉鉉奏摺

雍正八年五月初二日福建按察使臣李玉鉉謹

奏本年三月初四日福建將軍臣阿爾賽傳臣至署

宣

旨福建按察使李玉鉉進摺交大學士蔣廷錫轉奏欽

此隨望

關叩頭謝

恩訖伏思臣一介庸愚知識短淺荷蒙

聖恩畀以閩省刑名重任日夕敬凜惟矢竭寸誠勤於

職守以期仰報

硃批諭旨

李玉鉉



主恩於萬一茲就臣管見所及三條謹為我

皇上陳之

一閩省械鬪訟端大半起於阻葬占墳人即糧明契據買地葬親而地旁數里之頑民劣衿或指其

地為己產或指其內有祖骸不飽其欲即爭競毆

朕治理天下措施一切政事從不預立成見惟欲汝等

打甚至械鬪而買地之人終不能葬親是治閩中

掌刑各官秉公執法而已此外別無他念也切莫妄加

揣度錯會朕意但當務一誠字為要稍涉言行相違心

口互異被朕覺察負恩欺誑之咎不汝貸矣

加倍治罪之語豈可輕易出口亦未有獨於閩省另設

一條則例之理汝是何意見耶

罪將見法律森嚴人心畏懼風俗漸歸醇厚矣

一定例內凡侵盜那移等賊一年內全完將死罪

人犯比免死減等例再減一等發落軍流徒罪等

犯免罪等語查六賊內惟枉法賊最重若限內完

贓即槩行減等寬免似覺情罪較有重輕邀

恩無分彼此可否請嗣後於六賊內如有貪官污吏土

豪惡棍衙役人等犯枉法者將贓銀限內全完其

罪應死者止免其死罪仍議擬充軍犯軍流徒罪

者不准全免其罪止減一等發落俾前之貪吏皆

不免於法則凡稍有貪念萌於肺腑者皆凜然知

殊批諭旨

李玉鑑

定例循行已久何必紛更所恐懼矣

一查律載竊盜搶奪二項人犯除贓多及拒捕傷人從重議擬外其現行律例分別治罪之條允當明晰惟刺字少有互異搶奪不分初犯再犯俱刺臂竊盜不分初犯再犯俱刺面夫立法刺字原有深意初則望本犯尚能改革繼則使衆人知所防禦搶奪再犯刺臂罪由藏於衣內人不盡知似難防禦竊盜初犯刺面罪由彰於耳目人所共棄似此亦不過懲戒之一端耳非有枉濫輕重之失不煩議難改革請將刺字之處二犯同科初犯均刺於臂再犯均刺於面庶法令畫一不失寬嚴相濟之道改

矣以上三條臣庸材謬議是否有當伏乞 旨請睿鑒施行謹

奏

覽

雍正八年七月二十一日福建按察使臣李玉鉉謹

奏竊查福建各府州縣積貯倉穀通計共一百三十餘萬石每年各縣倉穀知府直隸州盤查府州倉穀各該道盤查而總滙於藩司是藩司察核之責爲尤重但藩司職掌全省賦役凡完欠考成度支



銷算及一切經制典禮關係

國計民生之大者悉專責該司在該司雖極知倉穀重大加意稽察而精力終難專一臣向任雲南楚雄府知府見雲南通省倉穀歸糧道管理稽查易得周詳今閩省各府州縣倉穀可否仰請

聖裁照雲南之例改歸糧儲道管理凡一應盤查交代冊報考成悉令糧儲道專司其事則該道可以不時親詣各屬抽盤必無疎忽似於通省倉穀有益至每年

奏銷冊籍仍照兵糧之例造送藩司彙轉再有請者

糧道既兼管通省倉穀事務甚重凡有辦銅等差似應均免派遣以專責成臣因積貯要務不揣冒昧謹獻一得之愚是否可行伏乞

皇上睿鑒施行謹

奏

此事應言之督撫會商酌定具題請旨將所奏并朕批諭與督撫二臣看

同日又

奏竊臺灣一郡遠隔重洋蒙

皇上軫念該郡道府廳縣等官前此陞期六年加以交

皇上盤渡海爲時太久其父母妻子難免內顧之慮特

奏加臺

恩格外定期二年爲滿調回內地補用仍分別加級以示鼓勵又先期半年令揀選賢員前往協理俾海疆旣得熟練之員而各官又免內顧之慮業經部議遵行在案臣何人斯復叅管見但臣愚以爲凡賢員久任地方實爲地方之益臺灣員缺就臺地之員拔其尤者陞補臺缺似於臺地更覺有益查臺灣一府二同知一通判四知縣原屬選調才守兼優之員可否仰懇

聖恩嗣後臺灣道府廳縣缺出先儘在臺賢員題陞以

收駕輕就熟之效其各陞員內如係越銜保題者

照例送部引

見恭候

簡用若係應陞員缺可否仰懇

皇仁俯念重洋遠涉免其引

見出自

聖恩如此就臺擢補在該員蒙陞用之榮倍加鼓舞感

激

皇恩惟恐報稱之不逮有何內顧之堪憂倘該員當陞

殊批諭旨

五

李玉鉉



皇恩轉之期無陞轉之缺而有矢心報效國爾忘家者  
許該員詳請督撫具題留任陞用內有期滿之員  
無缺可陞交盤已清自揣精力願回內地者許其  
乘南風而回聽候內地補用是則

皇上之恩及臺員淪肌浹髓而臺員應倍加感奮竭誠  
圖報矣再調臺之員有親老丁單者先行查明免  
其調補是否有當伏乞

皇上睿鑒施行謹

奏  
成例循行已久人情趨舍不同何必限定以臺員陞臺

郡而復爲是更張之議耶

硃批孫文成奏摺

各條對日與工部

雍正元年十一月初一日杭州織造臣孫文成謹  
奏為遵

旨覆奏事前奉

聖旨著令臣估看磬山情形已經具摺奏

聞臣隨喚各匠人等商酌務將百年舊刹重壯觀瞻其  
山門原係平屋五間今另造為天王殿五間大殿  
原係三間今改造為正殿五間殿前東西兩側原  
係樓房六間今拆造為配殿十間所有高大長濶  
尺寸已於圖內開明其第三層方丈原欲一併更



改因寺僧堅以限於地基不願重建是以中止其餘一應羣屋務期盡行修飭完美所有應用物料臣親同各匠確估約需木石磚瓦各料及運費工食并裝修佛像佛座等項共該銀一萬二千九百兩仰懇

皇上准令臣竭力修造以效犬馬今先將圖樣一副呈

御覽聽候

聖主恩賜

俞允

臣隨即買備各料擇日興工謹

皇奏  
姑且開工緩緩修理爾於明年來京見朕再定程限萬不可藉端向地方官生事滋擾亦不必勉強賠墊力少不敷即暫借司庫銀兩動用候朕另有諭旨若循故套假公濟私之捐修朕不樂聞倘稍有風聲爾不但無功反罹大咎也慎之

雍正四年六月初一日杭州織造臣孫文成謹

奏為奏

聞事杭州五月內糧米時價每石白米一兩一錢五分稜子米一兩麥子八錢稜子米禾苗有一尺三寸

高白米禾苗有九寸高今年絲價頭等細絲每兩  
開車七分稍粗者每兩六分五六釐謹

奏

絲價低昂朕向未了悉歷來最貴之價若干最賤之價  
若干其詳細開明奏來朕欲知之

雍正四年九月初一日杭州織造臣孫文成謹

奏爲遵

旨覆奏事臣前奏糧米時價并絲價摺內奉到

皇上硃批臣伏查絲價從前互有高下自

皇上御極以來蠶絲連年俱好其價不甚騰貴如頭等

細絲雍正元年每兩七分八釐有零二年七分二

三釐三年七分四年亦七分稍次者雍正元年每

兩七分二釐有零二年六分七八釐三年六分五

六釐四年亦六分五六釐其粗糙不堪之絲臣衙

門因無用處不行採買價比頭蠶好絲賤一二分

因蠶桑年成與莊稼一樣看收成好歹定絲價貴

賤大槩歷來上貴者不出一錢之外最賤亦得五

六分不等爲此具摺覆

奏伏祈

睿鑒謹

硃批諭旨



睿奏

所奏絲價知道了將磬山寺碑樣呈進朕量其大小以便書寫

雍正五年正月初一日杭州織造臣孫文成謹

奏為奏

聞事杭州十月內糧米時價白米每石一兩二錢五

分稔子米每石一兩六錢五分麥子每石九錢四

分謹

奏

米價等項總宜據實奏聞毋欲慰悅朕懷隨意增減

命同日又

奏為奏明菩提樹結子事竊臣前蒙

皇上諭問菩提樹為何結子不多欽此臣查此樹係佛

地佳種南方得以生植皆出

聖德滋培臣衙門內現有大小樹八株每年冬夏加意

照管止有一株結子但開花結實之時無風則子

堅固多收如遇風多之年便隨結隨落所以不能

多結為此覆

奏伏乞

睿鑒謹

殊批諭旨

奏

所奏已悉此樹乃係

聖祖遺愛當加意培養毋令損傷

同日又

奏爲叩謝

天恩事竊臣在杭州無一非

皇上恩德今又奉

旨將鹽規銀兩

特諭賞給准巡撫李衛行文與臣臣聞

命之下隨望

闕叩頭因思臣何人斯蒙

皇上如此矜憐實乃

天高地厚之恩臣惟有竭盡心力以圖犬馬之報爲此

具摺叩謝

天恩謹

奏

受朕之恩切勿倚恃遂致膽大放縱舉凡爾織造所屬  
一切人役暨爾家人子姪輩槩須嚴加約束令其安分  
守法大家學好尤當崇尚節儉不得以聲色嬉戲爲事  
如此則可永久保全體面矣爾試看一省之中督撫將



軍地方文武官員假若仍踵故習爾亦循照舊日織造  
行爲舉動可也否則必當擇善而行方好

雍正五年三月初一日杭州織造臣孫文成謹  
奏爲恭承

聖訓事二月二十四日臣家人捧到

硃批摺子伏讀之下不勝敬畏之至臣自前年冬叩見  
皇上時父子瞻仰

雲日俱蒙  
天高地厚之恩至今感戴思念時時不忘今蒙  
皇上特賜教誨如跪奉

聖主面諭臣父子敢不日夜儆惕竭力報效隨戒飭家  
人及衙役機匠等各各小心守分又將  
聖諭宣揚俾令學好共享昇平之福至於米價貴賤臣  
原是據實奏

聞菩提樹八株臣凜遵  
旨意更當加意培養不敢玩忽所有奉到  
硃批理合恭繳謹

奏

覽

浙省近日風俗人情如紳衿之好尚議論小民之豐嗇

硃批諭旨

六

孫文成

情形及駐防旗人游嬉奢靡之風較前若何光景據實  
奏聞爾年已遲暮趁此歲月恪秉一誠旣以效忠兼以  
造福顧不美歟朕不下詢爾自不應越奏今旣問及當  
據實直陳無隱不可甘蹈欺君誑上之罪也

雍正五年四月初一日杭州織造臣孫文成謹

奏爲覆奏事閏三月二十七日臣家人捧到臣奏恭

承

聖訓摺內奉有聖訓共享昇平之福至微末賤貴類且  
皇上御批臣敬啓跪讀惶悚感激臣至庸至愚惟知赤  
心辦事以報

皇上眷注之恩雖日夜竭盡犬馬之力猶恐不足今蒙  
皇上垂問敢不小心謹慎據事直陳從前浙江人原多  
狡詐生事自奉

皇上累次教訓儆誠改悔自新

皇上又特用李衛爲巡撫王國棟爲觀風整俗使二臣  
時宣

聖諭多方勸導近來紳衿各思守分罔敢爲非百姓亦  
知樸實皆務耕種貿易獄訟少息人情風俗比前  
大改至於旗人操演騎射輪派當差將軍鄂密達  
仰體



皇上愛養訓練之心嚴加巡察吳山西湖等處不放一人間走禁止喫酒賭錢不許衣服奢靡聞得旗人與百姓相爭巡撫卽移文與將軍或百姓與旗人口角將軍亦移文巡撫兵民畏法頗思戢睦此皆我

皇上德化深厚聲教普被所致也謹

奏

凡百奏聞若稍有不實恐爾領罪不起須知朕非生長深宮之主係四十年閱歷世情之雍親王也

皇十



